

蠶氏縣志

庚子冬月  
北平葉世勳  
題識

重修盧氏縣誌卷之十六

樓峯郭光澍霖三氏編次

墓誌 墓表 文 引

明

贈徵仕郎禮科給事中盧氏縣學教諭耿公墓誌銘

南京吏部尚書 黃宗載 劔江人

公諱綱字汝明姓耿氏上世本真定束鹿桂子隆花村人其先鼻祖有諱昉者仕大金為平定軍宣武指揮使因家平定自是為平定人昉傳五世祖諱升值金哀元兵陷平

盧氏縣誌

卷之十六

藝文 墓誌

一

定城鄉人皆避兵於壽甯寺後地穴中升攜家走未及是穴被獲鞫問衆人逃所升顧謂妻曰穴中人口百餘今我甯與汝死不可貽禍鄉人遂俱死於兵而鄉人得全活金州帥聞之特旌其義率衆具禮葬之由是子孫益盛升傳高祖諱守直大金殿試進士任總帥府教授金亡守節不仕傳曾祖諱復仕元知大都路事傳祖諱文由國子伴讀遷大甯路推官傳考諱承祖由平晉簿轉崇文閣照磨改太常太祝太祝公嘗出遊見巨室徙宅其女婢遺錦綺一大囊公得呼面與之其婢拜謝曰若非長者呼還妾歸必

遭笞責死活未可知也及公生性資誠篤識見超卓遊郡庠治詩書二經至於詣子百家靡不淹貫啟迪後進無慕  
設教於鄰封生徒從學者甚衆逮洪武丙子屬鄉大比平定以公應遂領鄉書上春官越二年戊寅朝廷以教職之員命學問老成者領之因得授盧氏縣學教諭越明年改教水軍右衛武生未幾永樂改元悉仍舊制乃復教於盧氏平生所守言必忠信行必仁義發明經史務窮理致故其教人必欲明體適用其爲教條又有舉業書詩句之三等精粗皆可爲法及門者多所造就其在武

盧氏縣誌

卷之十六

藝文 墓誌

一一

學雖勲臣貴戚子弟皆願立講下其心尤忠厚清謹見人有過差必從容以開諭之未嘗發人之私生徒有奉贄禮者輒正色却還之惟樂道以甘淡泊云所作有楚唱集至今猶傳錄之終於盧氏官所時永樂辛卯六月八日也泝其生年丁亥十月八日春秋六十有五後以子九疇登永樂甲辰進士第擢行在禮科給事中在職有聲蒙朝廷推恩 官如子配和氏封太孺人孺人乃奉議大夫刑部郎中兼太子贊善同郡和希文之猶女也生性溫淑端莊柔靜在 門婉從家教年十九歸耿氏克嫻婦事豐潔染盛

供祭祀衣服必自勤織紵爲之宗族間咸樂其雍睦處婢僕從未聞詬罵聲誨訓子女尤謹禮法治家儉素不尚綺喜施予而無吝嗇至若夫之所友子之從師必豐腆其儀及子登仕於朝必戒以清慎一時大家巨族婦道母儀無不以孺人爲懿範生於洪武乙未九月二十五日後其夫二十二年而歿乃正統癸亥三月八日也春秋八十有七生子四人九成九舉九齡九疇即兩淮運司也女一人適同郡石鼎任廣西布政司理問孫男八人聰昭睿智寬裕溫柔孫女八人皆適士族

盧氏縣誌

卷之十六

藝文 墓誌

三

國朝

原授懷慶府武陟縣教諭王公墓誌銘

張雄圖

公諱麟振字聖功晚號西堂逸老盧氏人恩貢生舉孝廉再辭不起選授武陟教諭不赴其始祖諱源長元末爲盧令占籍十二世至公高祖良辰仕湖廣大同尹其第八子納士生萬春萬春生邑庠增廣生辰居是爲公父性高曠不事生產值明亂失業寄帑臨邑授生徒自贍五旬餘始生公四齡失恃藁葬桃林隨父屢轉徙迫瑣窳歷數年

甫總角輒屹立如成人弱冠就館南谷數歷艱阻志不少  
移旣而竭力置舍葺三楹室爲奉親地顏曰甯壽屆康熙  
丙寅八泮庚午食餼治舉子業兩次不售郎棄去專意色  
養父登九秩有三公不離 下計廿餘年考終時公致毀  
幾不勝喪究之躬舁母襯歸祔西山自是益絕意仕進肆  
力經學刻意尚行楷範後起剛方廉直恬退孤高義色法  
言士驟接見率悚仄不自安久與之處咸敬信折服奉爲  
老師蓋公志高氣平方以自持和以接人故令往還諸名  
輩始如負芒終若飲醕治家嚴而有法門庭蠲潔什物整

盧氏縣誌

卷之十六

藝文 墓誌

四

好安措布列無論巨細具按程度一身之御冠紳衣履雖  
極敝尚淨治無纖微污摺爲諸生三十餘年授生徒百餘  
人未嘗計館金卽束修不具者迄弗問經其指誨者不徒  
以科名見於世其文行威采見之不問知爲王氏門下士  
公於康熙辛丑膺歲薦雍正元年改恩貢是年舉孝廉學  
師邑候知公有端人之目據公議以公應 詔再辭再舉  
終不起已而制府田公採屬邑人望獎公閭額其閔曰年  
高德劭五年部選武陟縣教諭不欲赴所親勸之駕抵汴  
一謁制府謝弗就促駕歸里時盧令吳公始下車耳公名

敦延再四公感其禮意勉以過從吳公見輒傾服謂公醇  
儒云至其所學則天資穎悟務在精研六經子史及有宋  
迄今言理諸家尤抉其精要見諸體驗擁 講授多引古  
今理亂人情物理觸類印正俾聽受者各厭其意而止公  
富於著作前郡伯石屏張月槎先生見其一二古文極口  
稱之選登郡誌詩亦雄健制藝不屑揣摩氣骨剛正自成  
一家晚節所拈下筆輒成邃奧渾堅更進一格令子景福  
手錄成帙合數百首書倣歐體方嚴整飭類其人公逝之  
前聞偕學師謝公躡城之東隅文星閣高可百尺陟其絕

盧氏縣誌

卷之十六

藝文 墓誌

五

頂吟眺縱談共羨豐饒不日櫻疾告終傳聞所至哀動遐  
邇哭弔者雜遝里門視潁川陳君不啻雄圖與公嗣君景  
福忝附至交稱兄弟行先後兩接公顏誨訓諄復皆謹志  
不敢忘丁巳春晤景福於京邸詢公起居知安健如庚戌  
見時旋於七月歸里遽聞公訃駭詫涕零愴無似庚申  
春來洛以公墓誌見委末學不文何敢妄司銘石之任特  
以忝在通家誼兼猶子理難過辭謹依來狀撮而誌之按  
公生於康熙癸卯年二月二十七日戌時卒於乾隆丁巳  
年六月十九日己時壽登七十有五配張氏合葬於西山

卧牛岡之原銘曰義川之川兮羌旣清而且漣義川之山兮指崧高以巖巖竒毓川而靈鍾山兮爰篤生夫名賢德學山而至山兮阻峻嶸以難攀化川流以如川兮教澤溥而淵涵旣棲山而孔安兮大德何取於必官矧樂水以川觀兮碩人邁軸而且安胡弗憇遺而溘然兮等川涸而山蹇卜窳宮於西山兮指馬鬣與 溯川上之廻瀾兮緬圭方而珠圓礪翠珉以雕鐫兮勒芳躅於不刊山爲谷而陵復爲川兮貞茲兆於億萬斯年

雲南呈貢 知縣嗣經陳公暨配王孺人合葬墓誌

盧氏縣誌

卷之十六

藝文 墓誌

六

銘

李名揚

乾隆丁酉七月八日呈貢縣知縣嗣經陳公卒越十年公子翥始得擇吉而葬先期求誌於予予雖不能文然自髫年即從公之從弟顏學夫子遊師友淵源出自公門則何敢以固陋辭按狀陳氏世居邑東蔣渠村前明庠生有諱大川者爲公始祖太高祖君相歲貢生高祖王庭廩生曾祖綽庠生祖玉璽廩生積學力行以誘啟後進爲己任所謂欽之先生也父例贈文林郎則先公學古事繼母以孝稱母范太孺人生公兄弟二公行一諱聖籍號連山嗣經

其字也以康熙戊子三月二十八日生幼從欽之先生學質性醇篤既長精研書理講求法脈其應童試之文已循循有前輩風家貧未弱冠卽授生徒以教爲學乾隆辛酉登賢書癸巳選授雲南呈貢縣知縣呈邑地處邊陲簡而難治公下車政尙嚴明強暴斂迹乃其巡行鄉邑課晴問雨則藹然家人父子也邑有落龍河往多水患公爲修隄民獲安業其他興利除害隨分盡職皆認真爲之而自奉清苦居官無異於家居涖任三載未嘗妄取人一錢當事者亦未嘗見公一錢也公宦情本淡丙申行年已六十有

盧氏縣誌

卷之十六

藝文 墓誌

七

九萬里之外浩然思歸太守永留之不可比明歲旋里越四月而公竟歿公亦能遂其志矣其生平恪恭謹慎言笑不苟惟於同人宴集時把盞劇談由由不忍去其教於家惟勤惟儉子弟無敢嬉戲者吾邑人文公家最盛而公以累世清貧遵庭訓誠於教學所厯館地或三年五年六年七年后在洪洞十有三年所在成就人才不可紀數其卓卓者則公之從弟敬學公及吾師顏學夫子相繼爲孝廉文品雙清皆以公之學爲學回憶三十年前承吾師訓動引公言爲之的蓋公於文章一道揣摩精熟所與講貫皆

一時名宿以故胸中書味盎然不盡宜公之脫軒冕而志在林下也公胞弟聖範亦長者也後公八年卒公配王孺人治家有法教子慈而嚴生於康熙四十五年十月十五日於公卒之年九月七日卒公一子翦太學生孫男二長子通次子正丁未二月將葬公夫婦於九頃原之新塋是爲之誌而銘之其辭曰世人逐逐惟不知足終日鹿鹿惟其多欲公惟寡欲是以不俗公惟知足是以不辱誰謂公無祿

考城教諭東渠張公合葬墓誌銘

李名揚

盧氏縣誌

卷之十六

藝文墓誌

八

吾邑山高而水清所出偉人自唐功臣張魏國公后見於史傳者無幾前明以來科目較著而邑誌所登復多缺漏至有空列官爵求其生前一言一行不可得古人之貴留名豈謂是哉以予所見鄉先達凋零殆盡如東渠子者固有恃以不朽者也乾隆壬子十月丁亥卒於家予往哭之其子國學生先芳遵遺命踰月葬乞誌於予其門下士孝廉王君幹諸生郭君起鱗張君登颺等皆爲之請嗚呼公文人也于何敢誌公傳人也予何敢不誌馬渠張氏前世由倉西遷盧明萬歷中有庠生永仁者公之太高祖也生

庠生學文學文生佐佐生其 亦庠生其瑗生潔貤封修  
職郎公之父也母莫太孺人生四子公居長次國學生月  
梅丙子舉人月林亦有文名月川出繼近屬公諱月桂字  
丹枝號東渠別號龍山居士以康熙乙未九月辛亥生弱  
冠入庠乾隆辛酉選貢生叨歲入太學肄業戊辰補鑲藍  
旗教習辛未選西華教諭癸酉丁外艱甲申補考城教諭  
壬辰告歸養辛丑丁內艱乙巳復任考城辛亥告歸其生  
平所歷概如此公生而警悟入家塾卽能穩坐不妄動然  
性嗜山水年十四應試河南郡周覽洛陽名勝喜見漢魏

盧氏縣誌

卷之十六

藝文 墓誌

九

隋唐之古迹及入京師遊密雲探黍谷風台之奇北瞰長  
城而燕趙慷慨之氣益貯焉林下之樂則熊耳伊洛間一  
邱一壑無不到其經年閉戶不接人事而課讀著述其中  
者來鶯齋也故公之博學強識得於靜光怪陸離得於動  
所與遊必妙選天下有名士三任學博皆以倡明古學爲  
己任訓士之方前后學憲往往飭知別郡通行之至於居  
家孝友以儉以勤推財讓產無少吝又公高曾以來家風  
固然無足異者公爲人倔强不令所宜或規其過則欣然  
引爲益友居心坦白類如此元配常孺人有婦德前公五

十四年卒繼配莫孺人前公五年卒子先芳莫孺人出女子三亦莫孺人出孫男兆祥孫女二婚字皆名族莫孺人賢而孝善處妯娌教子亦務持大體不煦煦於兒女之情也公之壽七十有八季冬二十八日葬於龍山寨南之祖塋兩孺人祔焉嗚呼死生亦大矣天長地久人生其間白駒過隙耳故志士愛日惜力君子慕其大者誠以虛生一世名掩沒而不彰爲可哀也公年少時負其才氣謂功名唾手可得以及數奇屢獲抱頂之痛已乃決然舍去專用力於詩古文著有來鶯齋六卷續稿四卷族譜一卷詩法集

盧氏縣誌

卷之十六

藝文 墓誌

十

略一卷盧誌拾遺二卷來鶯齋小誌四卷姓氏考八卷張氏通譜二卷讀史集要四十卷攬鏡編二卷林泉錄二卷貽穀錄一卷其餘手鈔雜錄不可勝紀善哉歐陽子之表張堯夫曰唯爲善者能有后而托於文字者可以無窮公豈復有餘憾哉是爲之誌而銘之其詞曰山中人東渠子窮乎經富於史跌宕爲文宮商角徵音在人間不爲死嗚呼先生其安汝止

誥授光祿大夫績軒莫公暨配王太夫人墓誌銘

余與莫侍郎瞻菴交三十餘年及由兩江總督遷吏部得與數共晨夕交益深癸亥冬侍郎送余赴衡家樓決口下游勘辦運道論治河之要心竊異其於山東形勢何以熟悉若此余至東往來張秋間聞汶上父老往往稱鄆城舊令莫公德政又竊訝公何以得鄰邑民之頌聲積久不忘若此今侍郎以歸窆先人來求誌銘讀所具行狀乃始識其所以然按狀莫氏爲河南盧氏縣巨族公諱元龍字廣陵中年取學猶績也意號績軒以進士授鄆城知縣壽張逆犯王倫之聚眾戕官也與所治接壤公集鄉勇設守軍

盧氏縣誌

卷之十六

藝文 墓誌

十一

書旁午百務紛集心力交瘁事甫定適訛言汶上有遺黨將起撫軍會充鎮統兵壓境先命公並鄰縣二令往勘事無實跡公謂我等復詞稍涉游移此方民無噍類矣因首先具印結保其終始無他撫軍爲之感動卽徹兵次歲公生辰汶邑民老幼男女扶攜來祝者四千餘人謂公實生我蓋公臨大事而毅然能任有如此他如劉乾故殺彭老王淑渠圖繼污巖寡嫂濮州民藏匿曹氏以圖賴婚鄆當商圖賴濮州人債務曲阜管勾廳圖占觀音寺香火地皆事經數年至公始與斷結先是署任者以掘墓案誣逮無

辜多人重刑幾斃公立與昭雪而真犯亦立獲泣任六年  
中間以供給臨清軍需所費不貲而廩邱陂積水出借撫  
卹口糧協挑壽張河道尤費拮据補苴甫畢而調任魚臺  
公謂其事儉俗醕惟當與民休息乃初抵任遞值石河驛  
馬家店河決公承辦楷料首先運到接濟無誤庚子恭逢  
五巡江浙盛典承修新挑河水營板房橋梁繕道辛丑補  
築河北隄工初報竣而河決小宋水入魚臺矣時陰雨四  
旬境內湖水與秋田平及全河大溜掣入南陽公已憂鬱  
成疾芻力疾勸災籌賑至八月中旬閭人以水沒舊城告

盧氏縣誌

卷之十六

藝文 墓誌

十二

公方食淚落投箸起自此飲食日減疾轉劇屬續時集家  
人至榻前歷叙生平自以幼承祖訓但好涉獵雜學留心  
詩古文從父之鄆陵任始專力制藝讀倦思睡咬唇出血  
復讀一載後覺讀書之樂萬境皆空一閉目則所學如列  
於眉端如刻於心上得第後尤加意研鍊乃專爲爾輩讀  
書也至於好畫竹蘭今猶每日數十幅詩好杜字好米雖  
多存者自覺無足問世太安守朱公孝純對岱嶽建晴雪  
樓非工詩文字畫者不得登惟余 東平牧洪公鑾至則  
欣然邀會其上賭酒倡和二人謂三十年前官山東者有

才子三人鄭公燮李公觶王公爾鑑今我三人何愧焉而王公與君皆盧氏人益足見洛西之多才也是皆豪氣未除爾等慎勿蹈此習氣大抵生平閱歷於民艱得之己卯館平陽親見各邑雨水成災於讀書得之甲申館登封攜瞻棗遊二室名勝今乃未能救此 難是所學一無所用矣惟願爾等做好人作好官嚴教諸孫以繼我志遂誦李空同生平意氣凌滄海一病蒼涼閱夏秋一聯而終公之初歿也王太夫人謂諸孤吾邑前此爲州縣者半邁風波惟爾父任十年安然無事非恃才長實由守約今東省

盧氏縣誌

卷之十六

藝文 墓誌

十三

大吏益不滿於公論必興大獄交代核實楚結而歸未幾獄作人咸服其先識云方其去魚臺時日擊城東北汪洋無際及由虞城渡河河身斷流無滴水念公疏濬積澇籌補運隄經營災賑之勤勞未竟也北向痛哭謂兒輩他年終能有以釋爾父之遺憾者乎蓋太夫人深識大體有如此其初歸公也黽勉相夫不以家計單寒而儉於奉親辛勤教子不使家累分心而疏於就學侍郎十三歲初學作文公語太夫人此子兩三歲時爲其外祖父所鍾愛謂吾邑多科名而 國朝無人詞林者將有待於此子今斯言

似可驗矣太夫人乃益令廣交博雅之士屢從父游學於外恆越歲不歸不以爲念如此者食貧三十年始隨公之任戒諸媳仍勤女工毋得干預外事逮歸里門戚黨見其依前布素待人益和藹忘其爲夫滎子貴也仲子瞻雲服闋後授孟津縣教諭太夫人寄語兩子當各盡所職亦勿以我爲念侍郎請迎養太夫人諭以俟長孫夢鈞鄉科獲隽當親往送會試丙午果如願遂入都及侍郎爲工部再迎養入都恭奉 覃恩侍郎以曾祖父三代俱已 封贈如已官乃以本身妻室應得封典 貤贈外祖父丙午科

盧氏縣誌

卷之十六

藝文 墓誌

十四

舉人淇縣教諭景福爲光祿大夫工部左侍郎外祖母李氏爲一品太夫人仲孫夢齡又以 恩蔭授知縣太夫人泣語瞻慕爾父每痛因爾祖未及見子成進士而已身見之又以未及見爾主文衡爲憾而爾爲浙江考官我親見之吾邑曩無 貤封外家並任子者今我俱見之我上報親恩下育子孫之心慰矣然卒以京居日久思就季子瞻魯田園之樂癸亥春歸里秋初侍郎在京遙祝太夫人八旬大慶時余在座方羨其得奉慈親而隱觸余痛也又聞侍郎前月陳奏河務如豫知衡工之潰後復請勿遽堵張

秋漫水使北擾濟東泰武之波流改道南趨如辛丑之河  
灌兗沂曹濟徐諸州郡太夫人聞之亦深喜其能推廣厥  
考遺愛之意爲普且大也乃鄉居初甚適意閱歲而長孫  
夢鈞歿再閱兩歲又連殤夢鈞之子兩人老年心傷成病  
季孫夢蓮時亦任河陰教諭太夫人猶勉強支持寄語諸  
子孫在官者我精神壯健如常仍勿以我爲念遠戊辰冬  
夙疾突發遂歿閱歲合葬謹按狀而志其梗概至其生卒  
時日後先世系別敘而刻諸篆蓋之副銘曰因子知父遺  
澤在民遺經在子克大其門卿不慚長公志益伸佳城鬱

盧氏縣誌

卷之十六

藝文 墓誌

十五

鬱公妥雙親即侍於左以蔭子孫青山磊落如其爲人

原任山東館陶知縣濟川王公墓誌 李名揚

公諱幹字濟川姓王氏其先世由南陽遷盧始祖諱失傳  
前明化治間有鄉耆會者輕財好施多善舉公支祖也八  
世祖大吉邑庠生大吉生一孝一孝生養心俱邑庠生養  
心生廷議一食斗米全羊爲公高祖曾祖邑增生祚光舉  
丈夫子六長紀由歲貢選永甯學訓導紀季弟緯亦庠生  
爲公之祖貤贈如公職配李太孺人子堂曾叔祖歲貢生  
君山公渤女舉丈夫子二次邑庠生彩章公耀武長邑庠

生堯章公文煥勅贈如公職公之父也母任太孺人繼母韓太孺人公兄弟四人公居長次庠生枝俱任所出后爲叔父次子三蕃四衍俱韓所出公之前譜概如此公生而醇謹不喜浮華一入家塾志於學堯章公課讀嚴切少有不僇詈罵與杖責齊下而公惟虛心敬受退亦無言嘗受業於西華學博東渠張先生之門東渠爲吾邑名宿其讀書典博而強記公之學於師爲近先生早卜其遠到年二十五始入庠明年即登鄉榜十六名嗣此困於禮闈者屢矣辛卯留京與莫少司空同寓攻苦學益進及莫館選而

盧氏縣誌

卷之十六

藝文 墓誌

十六

公落孫山外歸來讀書課子無虛日嘗集 弟訓之曰人不知書不可以爲人家無讀書子不可以爲家大哉言乎以此見公之志趣爲何如而豈勢利中人哉平居深念先世以來書香不絕而及身又幸得科名不於親在之日請封典亦不可爲人子孫也遵川運例報捐教諭乾隆四十年選授湯陰縣學七月抵任即請封父如己職湯陰素稱中州文獻里公以學人爲司鐸大滿其愿乃以其教於家者教於官三年之外掇巍科者五六人皆公所成就知名士嗣丁外艱起復后歷署新野鎮平河南府學洛陽副學

其樂育人材一如其在湯陰時而新野學凡兩任使其仕宦止於斯豈不能行其志耶至乾隆六十年以舉班揆選調授山東館陶縣知縣公年已五十有九下車之日誓告神明不敢妄爲些子事涖任五載勤於供職愚民愛之紳士敬之匪類則畏而遠之以此地方常甯謐而公務之暇則手執一編猶不失秀才本色人亦無不信其爲長者嘉慶四年掛吏議革職而公乃忽忽不樂蓋屈其心者重耶六年歸籍竟以七年正月五日卒距生於乾隆二年十一月二十三日高壽六十六公配張安人處士忠公女舉丈

盧氏縣誌

卷之十六

藝文 墓誌

十七

夫子二長希曾太學生次希鰲州同職孫男今五慶恩慶君慶餘慶榮希曾出慶祿幼希鰲出希曾兄弟卜於本年四月二十一日葬公於村東睹盧坡祖塋求誌於予嗚呼予與公相知久矣往歲接公手書肫肫以三事見託一重修館陶縣誌一創立書院一翻史學提要箋釋此皆俗吏之所不肯爲不能爲者事雖未成其志可嘉繼母韓勅封七品孺人今猶在堂與堯章公俱得及時高其榮覽公之狀行自悲也先府君一生精力萃於教子而予自青年即成進士一行作吏涓滴無報下場時又遭重譴以貽老母

憂愛子東曙所望以光大門戶者又不幸短命而死公子  
希曾爲予姪壻早晚以父執相見凡事請教與之言無不  
聽者談及學問亦尙風雅惟爲公捐請六品封典不脫俗  
見然居心不可謂不孝所生慶君真令孫乎蘭茁其芽已  
露頭角將來不負公之讀書熱心者斷推斯子公亦可以  
無恨矣

誥授榮祿大夫韻亭莫公墓誌銘

海甯州  
學正 朱文治

嘉慶十八年座主原任兵部右侍郎太僕寺少卿盧氏莫

盧氏縣誌

卷之十六

藝文 墓誌

十八

公薨於京師柩既西歸越三年將卜葬公次子山東曹河  
同知夢齡不遠舟車之程來訪且曰近今無論簪纓韋布  
表幽之文必假名公鉅卿手以爲金石光而作者與歿者  
無一面交即相識而性情不相屬宜其言之隔膜矣君爲  
先大夫門下士淵源心契垂三十年夢齡此來敬請君爲  
銘墓文治念生平知遇之感惟公第一人何敢以不文辭  
謹就昔所聞見於都門者而述其大略按狀公莫姓諱瞻  
棻字青友一號韻亭自 國初由山西洪農遷河南盧氏  
縣之澗北村曾祖士帥歲貢生又遷城東高村祖曜康熙

壬子科舉人乙酉科明通榜鄆陵縣教諭父元龍乾隆壬申科舉人庚辰科進士山東鄆城縣知縣調魚臺縣知縣皆以公貴 贈光祿大夫工部侍郎公自幼性敦厚崇尚氣節負絕人之資家貧乏食貸書於人覽即成誦戊子科舉於鄉壬辰成進士入翰林爲庶吉士散館授編修錫山嵇文恭公諸城劉文清公見而器重之先後輩訂忘年交共以清節相砥礪歲壬寅魚臺公歿於任以憂歸服闋補原官遷江南道監察御史章奏所入因事納忠無讒言累陞禮科給事中鴻臚寺光祿寺少卿戊申奉 命副原任

盧氏縣誌

卷之十六

藝文 墓誌

十九

吏部尚書協辦大學士無錫鄒公典浙江鄉試鄒公時方爲國子祭酒也揭曉後回京復 命

純皇帝問兩浙民風土習及吏治海防公奏陳利弊瞭如指掌蒙 溫諭退會軍機大臣入直 上因問莫瞻菴何如阿文成公獨以其人清正有經濟對公之被 主知自此始不數月擢通政司副使明年 特簡順天府府尹畿輔叢弊久吏胥因緣爲姦公受事苞苴屏絕懲其尤數人劾州縣之不職者二三人眾心肅然每遇 聖駕巡幸灤河所需車輛羸馬駱駝俱由京尹先期料理故事預備車

數百乘以應內務府及侍從各官載行李什物之用公任此役除供奉 大差外餘車悉放歸以濟行旅由公不畏疆禦而拘牽派累之弊遂絕直隸旗地與民田交錯歲納租官民俱受其累公請清查旗地豁免民欠奉 旨交戶部議奏不果行在任九年迎養 誥封一品太夫人王太夫人於邸第出則俯察民瘼入則視膳問安公私一無懈事太夫人顧而樂之一日退朝和相國珣笑謂公曰以君之才久浮沈於京兆何耶公正色曰某受 皇上恩已邀格外且連年多處分格於例陞秩非所望也相國默然公

盧氏縣誌

卷之十六

藝文 墓誌

二十一

之淡於仕進而絕權要也類如此嘉慶四年正月 今上親政喜昌言虛已聽納羣臣爭上封事公以天下爲己任凡章奏秘外不與知雖家人不能窺所陳何事數月中特陞內閣學士即遷禮部右侍郎歷刑工兩部後改兵部右侍郎俱兼管順天府尹事公膺 聖主倚畀之重每易一地必思不負職皆能整綱飭紀奕奕有聲六年夏六月大雨兼旬京師內外河水泛濫屋宇田廬盡沒公旦夕焦勞凡被災各州縣督命立時輸捐拯救隨奏請發粟賑之務得實濟窮黎賴以生活不可勝計忽於午夜念鄉場期

近試院多坍塌且慮舉子不能歷險入都遂篝燈起草請  
緩至九月初八日入闈漏四下單馬冒雨詣 圓明園藏  
章奏於竹籥中兩手高捧而入奏入 召見得邀 俞允  
時 宮門內漲水汪洋由脛逾腰腹步行往返數里策騎  
歸第衣褶淋漓面目鬚髮半爲塗泥所污而公談論自如  
人共歎公之急於善政不復身避艱險乃如斯也某年某  
月有某姓迎輿呈控爲人索逋者公詰之其人言語不遜  
收其呈掌責之次日赴都察院訴寃遂入奏奉 旨索欠  
細故不應先懲原告令解任交軍機大臣質訊並交部議

盧氏縣誌

卷之十六

藝文 墓誌

二十一

處及覆奏絕無夤緣請託之弊卒議降調補太僕寺少卿  
公恬然安之事必求盡職戊辰冬月丁太夫人憂歸服除  
補原官旋薨於京猶憶庚午夏仲日已晡文治散步海甯  
學廨泮水之南有竹輿軋軋來者熟視之爲公延入署納  
履授杖命二子謁見侍食團坐如家人詰朝隨往安瀾園  
避暑藕花深處索筆硯畫蘭數紙分贈坐客出近年所作  
詩一一指示時公服禪將北上年屆七旬精神不能如舊  
文治力勸不復出山公曰我久任卿貳受 上厚恩此身  
存一日即當盡一日心圖一日報也三宿而去嗚呼詎知

此即爲二十餘年師生死別時耶夫人張氏賢能有德  
誥封一品夫人公生以乾隆八年九月十二日薨以嘉慶  
十八年正月初四日年七十有一著有硯雨山房詩集紫  
藤軒奏議銘曰公之德如淇水竹竿之直公之才如熊耳  
山雙峰之開想公初生兮函關紫氣擁之而來貧不爲患  
貴不自矜勞不知倦炳三輔之福星荷 兩朝之 天眷  
惜乎勳名重而未竟其用退鷁奮飛 駕龍侍奉鐵嶺石  
兮心同貞化松楸兮長青在昔潞公題墓兮稱明道曰先  
生吾宗公揆坐春風兮胡弗爲之銘

盧氏縣誌

卷之十六

藝文 墓誌

二十二

誥授奉直大夫曉亭王公暨配趙宜人合葬墓誌銘

陳志敏

道光乙未九月初二日原任貴州威甯州知州曉亭前輩  
王公卒配趙宜人卒於嘉慶二十一年三月十二日本年  
三月初三日安葬村西新塋今歲十一月十六日承重孫  
彥泰將奉祖考與祖妣合葬先期懇予誌其壙予自成童  
操筆謬爲公所推許兼以累世姻好見聞甚悉爰據公之  
一生撮其大而爲之誌公諱之杲姓王氏字登甫曉亭其  
號也高祖歲貢士明曾祖廩生範俱應贈朝議大夫範舉

丈夫子二長廩貢貶贈修職郎爾釗即道光辛卯舉人永祚之高祖也公祖熊峰先生居次諱爾鑑字在茲雍正己酉庚戌聯捷歷知山東鄒滕等縣事後陞四川夔州府知府學問書法名冠中州生子二長太學生洛次諱汴字子濬公之父也乾隆己卯與予堂祖顏同鄉榜中經魁檢發知縣試用甘肅柰白玉樓成未抵省而已應召作記矣是時公年十三母任太宜人惟恐年幼失怙而或至廢學也擇嚴師命從遊午夜丸熊常以祖父書香不可斷絕爲激勵弱冠縣試拔前茅癸卯登賢書乙卯檢發雲南試用

盧氏縣誌

卷之十六

藝文 墓誌

一二十三

知縣雲南去盧萬里道遠身孤愛公者率以告近勸之而公銳志上進不避艱苦按限到任不數月即得委前後二年歷署文山河西麗江等縣清聲載道綽有祖風山東楚頭園巡撫南土曾以廉吏子孫爲品題蓋熊峰初宦山左由縣令陞濟甯牧明斷清廉多歷年所楚耳食有素一見公而矜重之心不覺口出更異者公閱冰鑑書善觀氣色每遇上憲有休咎事隨口占斷多奇中由是半仙之名大譟滇南嘉慶戊午實授定遠一下車即訪民間疾苦凡有陋規不便者統爲裁去百姓戴德立生祠徧爲歌謠膾炙

人口召父杜母不是過也中又兼署石屏統計泣任僅三載辛酉運銅差引見後委署雄鎮特陞姚州知州壬申丁太宜人艱乙亥起復改發貴州署八寨同知事實補威甯里民特製長生福祿牌爲公壽則公之庇護斯土又可想矣特以上交不諂至癸未竟致解組命駕歸來百姓隨轅而送者率至墮淚不能別方公之未登仕版也獎引後學惟恐不及比筮仕留心學校多所成就鄉試入闈兩次爲考官遞有擬作房卷醕正合式者其鑑賞無論已間有典博奧衍謄寫舛錯者多方救正更力薦以大爲玉成宜蒙

盧氏縣誌

卷之十六

藝文 墓誌

二十四

門下尹公佩珩入翰苑外陞陝西觀察因公致仕感念舊恩懇懇乎爲之關注不置也回籍十餘年閉戶寡交然因事應客情周意密乘便間談動解人頤孰謂高年人胸中即無興趣哉距生於乾隆二十四年十月初三日享壽七十有八宜人爲永甯甲子舉人四川大足縣知縣趙公憲高次女長公四歲厚重知禮生女二如君張氏生子烺烺幼就予學後援例府知事改未入試用江蘇丁生母艱卒於家長孫彥泰現承重者也銘曰前有夙根生長名門言談丰采誰可等論公惟守正升沈聽命公惟有壽光前裕

後職分完全去路悠然桃花流水別有地天聲家聞望後  
無上生死存亡斯文興喪勒片石以送歸泉壤兮詞無  
過當

布政司銜安徽候補道黃公文亭墓誌銘

李夢周

公諱元吉字文亭姓黃氏盧氏人世居龍虎岡村曾祖爲  
讓祖克泰俱以公貴誥贈通奉大夫父天爵誥贈榮祿大  
夫母宋氏誥贈二品夫人胞兄元善邑庠生候選儒學訓  
導公生而聰穎能讀書甫學爲文即有異思范里後峪周

盧氏縣誌

卷之十六

藝文 墓誌

一二十五

卜宅先生過其家異之妻以女道光四年甲申應童子試  
取列前茅予始識公七年遂以縣試冠軍遊庠戊子鄉試  
即邀房薦辛卯又薦壬辰中式河南第十五名舉人其文  
大爲副主考龔贊賞曾有擬元之說三篇俱發刻人人以  
先覩爲快膾炙一時己亥送其門人劉少蘭應順天鄉試  
得題擬作三篇同鄉高豫峰戶部見而驚其奇闢以爲身  
不滿七尺而心雄萬夫謫仙不啻也甲辰大挑一等簽發  
安徽斤斤於未捷南宮猶抱青雲之憾比至安則殷然以  
民生爲計所署石埭建平婺源到皆有聲之鳳陽任粵

擾境公帶兵出外擇要隘堵擊不圖猾逆乘間入城從此得譴中丞憐其才委令帶勇剿土匪由是棄文經武日在戎馬中矣三年之后威名大振匪人斂迹中丞福元修前輩嘉其勞委署定遠御史湯修劾之以爲未經開復人員不應署事 詔書下問元修前輩覆奏謂定遠爲皖北門戶賊匪往來孔道非黃某不能獨當一面國家多事之秋不應拘常格外言始息公乘此捐復終定任定人愛之如慈父母所奉有萬人傘旗幟楹聯各件接署壽州任內授直隸州職俄粵匪犯壽公聞警立時登城急命附郭民人

盧氏縣誌

卷之十六

藝文 墓誌

一二十六

折毀房屋撤其障蔽與民守之凡入晝夜戒嚴密遣勁旅緹城陰搗賊巢賊聞懼而夜遁圍遂解前此土匪平事聞

上諭命撫臣擇州縣尤爲出力者保薦一二員候 恩

撫臣以公與馬穀山大令應之均以知府升用命到之日值廬鳳道金光筭觀察陣亡撫臣即委公署篆統帶金道原隊三千人征賊是時也正當粵逆猖獗之時金觀察甫經摧折之后頗難爲力而公受命如響英風颯颯聞者不寒而 是以所至披靡每戰有功中惟紅心驛一役以少勝多尤徵奇壯今讀其詩猶想見當日指揮如意時也昔

年文場麀戰辟易千人殆其故技與宜乎天子酬功生民被福誠當代不可少之人焉公元配周氏繼配任氏俱贈夫人又配丁氏封夫人周生子宗海丁生子宗翰安徽儘先補用同知孫四長提舉銜候選通判廷弼宗海出次良弼右弼家弼皆宗翰出公卒於同治十二年三月十六日未時距生於嘉慶九年七月十三日寅時享壽七十歲粵以其年十一月十五日葬於南凹先塋右次易簣之時遺言屬余誌墓嗟乎余焉能誌公然如公之諄諄見屬余又焉能不誌公銘曰嗚呼文亭公余與公同里同學而又同盧氏縣誌

卷之十六

藝文 墓誌

一二十七

盟故惟余識公公之志孰與高邁公之氣孰與豪橫偉然有不可一世之概而不屑以卑瑣狹小之爲了此生平是以功成名成天地間乃非虛生

侍講銜翰林院編修李公暨配武恭人合葬墓誌銘

兩淮候補  
鹽大使 李應燉

公諱夢周字希文號惺園先世山西人明嘉靖中遷居河南盧氏縣曾祖瑞生邑庠生祖崇儒太學生父又伸攻苦於學遇奇未售 勅贈儒林郎 勅贈朝議大夫妣氏李 勅封安人 勅贈恭人生丈夫子四公其長也生而岐

窳稍長益勤學未弱冠入邑庠旋食廩餼道光甲午遽失  
怙營喪葬盡哀盡禮丁酉服膺拔萃科己亥舉順天鄉  
試辛丑考取宗室教習借補咸安宮教習乙巳成進  
士選庶吉士丁未散館授職編修在翰林數年以太  
恭人年老艱於迎養遂乞假歸奉侍偏親訓教子弟惟以  
天倫爲至樂後應陝甘學使吳竹巖沈經笙二公聘主謹  
三原縣宏道書院課試勤嚴循循善誘四年如一日弟子  
經指授先後登科者數十人三原距盧氏五百餘里每月  
遣人問堂上安歲終解館歸躬定省侍飲饌從不以人代

盧氏縣誌

卷之十六

藝文墓誌

二十八

同治壬戌丁母憂哀毀逾恒終制後遂不復出捻匪竄擾  
豫境承團練大臣毛旭初尙書移檄督修堡寨戰守兼備  
桑梓賴以安全叙功加侍講銜光緒丁丑歲大饑承辦賑  
大臣李子和巡撫袁筱摛侍郎會咨幫理賑務全活者眾  
奏議隨帶加二級公平居言動不苟衣冠必正處兄弟則  
篤友愛待子姪則盡嚴慈戚族里黨有不舉婚嫁不能喪  
葬者必量力飲助不望報然亦不施於匪僻浪蕩之流其  
施惠而不濫與蓋皆以道爲衡者也至於鄉居有年不受  
請託不于詞訟精歧黃以救沈痼明卜相以衷至理尤其

餘事綜公生平秉性清介而篤於內行待人處世不煦  
爲惠澤及人益深教育多材保衛鄉梓不邀譽計功而感  
服者益眾可謂君子人矣公生於嘉慶戊辰七月二十六  
日亥時卒於光緒壬午八月初一日丑時享年七十有五  
德配武氏增生翼元公長女事舅姑以賢孝稱并饗  
躬親勞苦卒年五十一 勅封安人 誥贈恭人子三正  
心乙酉拔貢陝西懷遠縣知縣同知直隸州用正庸廩生  
讀書積勞早故武恭人出正衢業儒側室王氏出孫二長  
葆復廩生正心出次葆植庠生正庸出曾孫三庶瑛庶

盧氏縣誌

卷之十六

藝文 墓誌

二十九

庶璠俱葆復出光緒九年五月二十七日申時葬公於縣  
城東金五朵村右之南原癸山丁向武恭人合窆焉銘曰  
卓哉大夫履潔懷清天倫是樂德立行成好爵弗縻林泉  
安止仁育羣英義全鄉梓勳登 天府 疊錫榮封燕翼  
貽謀壽考令終夫人貞懿實相內治鬱鬱佳城永庇後嗣  
明 贈徵仕郎禮科給事中盧氏縣教諭耿公合葬表

柱國少保禮部尚書  
兼武英殿大學士

楊

溥

南郡人

墓有表何昉乎古者墓而不墳况表乎孔子曰邱東西南  
北之人不可以弗識於是封之以義起也古人論譏先世

德善勲烈酌之祭器以崇其孝則墓之有表亦以義起歟  
兩淮都轉運鹽使司運使耿九疇傷其父教諭公暨母孺  
人遺德懿行未有紀述乃詳其狀介鄉里瞿思温因考滿  
來京師請余表諸墓詞曰耿之先本真定束鹿桂子隆花  
村人上世有諱昉任平定軍宣武指揮使者因家焉卽今  
山西平定州也五世祖升值金亂與妻狗難死鄉人避兵  
藉以全活者甚夥高祖守直金殿試進士任總帥府教授  
金亡恥官異代不在宦仕曾祖復仕元知大都路事由國  
子伴讀遷大甯路推官者公大父也由平晉主簿轉崇文

盧氏縣誌

卷之十六

藝文 墓表

三十

閣照磨改太常大祝者公父也公諱綱字汝明幼而醇厚  
羣居語不妄發長而氣貌嚴重明敏果斷鄉人有不平取  
直於一言旣入郡庠肆力問學通詩書二經每講論奧義  
至到惟以成就後學爲急務未嘗有千祿志時隣庠鉅鹿  
諸生聘請就學受教益者先後輩出洪武丙子大比平定  
學師逼就鄉試遂登高第後二年以經學優等授河南盧  
氏教諭又後二年召至京師改水軍右衛教武學所至皆  
以身爲教雖盛暑燕間冠服不釋其教之法先務變化氣  
習然後別資質上中下而教之若舉業若詩句若書算是

也性尚清儉甘淡泊或以束脩贄見者每集諸生倡大義以却之稍暇尤好吟咏詩尚雅淡不事彫鏤有野唱集若干存於世居武學未幾復遷盧氏而終於任焉實永樂九年六月八日也距所生丁亥十月八日春秋六十有五既葬之二十三年以子貴贈徵仕郎行在禮科給事中配和氏同郡奉議大夫刑部郎中太子贊善和希文之弟希悅之次女也甫十九歸諸公亦以子貴封太孺人公初起讀書時他無所倚惟孺人晝夜勤紡績以供饋費公好待士類相過者孺人必豐潔酒肴以款洽之尤且閨門嚴肅訓

盧氏縣誌

卷之十六

藝文 墓表

三十一

諸子女皆循內則非節序壽旦其子婦未嘗得一至廳事鄉里賢之以洪武己未九月二十五日生後教諭公二十二年以正統癸亥三月八日卒享年八十有七是月二十七日合葬於盧氏東北金谷陀之原於戲公以儒術發身科目施教三學有善及人多矣惜止終於教職而不獲超擢人皆謂天道元遠也既而有子擢仕顯要復得封贈於存沒生榮死哀爲德之報天道果元遠乎所貴公之出處大節孺人之相承家慶宜有以表於世而昭示無窮也來者尚鑒茲哉

贈朝議大夫浙江布政司右叅議韓忠墓表

禮部尚書兼文淵閣大學士知詔誥 劉健 洛陽人

宏治庚戌三月吏科左給事中盧氏韓鎬陞浙江右叅議  
瀕行持事狀詣余拜且言曰鎬先考卒六年矣墓上之石  
至今未有書先生鄉先進敢以請余諾之而鎬行然未即  
書也壬子七月鎬以進東宮表至京師復申前請余識鎬  
自其領鄉薦迄今二十年而端謹之行清白之操始終如  
一日有子如此可以推知其考矣墓文豈可久稽耶按狀  
其考諱忠字良輔其先世譜逸不可考但傳聞遠祖嘗仕

盧氏縣誌

卷之十六

藝文 墓表

三十二

襄樊至諱廣西者卒元季兵亂其子德始攜家居盧氏生  
子文甫七歲而德逝文隨母適人而冒其姓久之乃復韓  
良輔之曾祖父也母李氏自文以上三世不占仕籍至良  
輔始業儒爲邑庠生景泰癸酉卒業太學授山西襄陵縣  
知縣襄陵於山西爲難治民多健訟良輔性坦直不事表  
暴一以素性施之久之皆服其化獄訟爲之頓簡時薦饑  
民流移者眾所遺田地民畏租重不敢耕多致荒蕪良輔  
因出令耕荒田三十畝以上者戶免丁役一八旦令輕輸  
縣倉民於是乎趨之野無不耕之田山西地高亢田資水

爲利襄陵水出自姑射山流經臨汾多爲其渠長溝頭強  
占上流良輔具以圖言之司府得以渠長溝頭隸襄陵水  
利均焉他如時征斂均徭役興學校善政甚多縣人禮部  
侍郎邢公遜之時在翰林嘗爲文頌其美民至今稱之天  
順乙卯年六十有一遂引年求致仕命旣下襄陵老稚遮  
道留之累日而後行自是優游林下二十餘年成化己巳  
三月廿四日以疾卒余因鎬之請故表之以爲鄉邦後進  
勸

贈文林郎監察御史任君墓表

盧氏縣誌

卷之十六

藝文 墓表

三十三

吏部 侍郎 葉盛 姑蘓人

君諱玉字景珍姓任氏其先關西富平之張村人高祖思  
恭與其弟思敬皆仕元累官至平章思恭三子秉忠秉直  
秉信亦世有官皇明有天下以前故官拔其家八人者爲  
驍果營伍軍秉直子五老預焉未幾五老卒其子敬禮甫  
成童軍中欲以補父伍母何氏懼匿敬禮東走盧氏僑居  
邑西張麻村洪武辛酉遂占籍爲盧氏人娶陳氏君之父  
母也君兄弟五人而君之次居二警敏有智畧通書史以  
故家事大小其父擇於昆弟中獨委之君善幹辦尤精農

圃督率子弟有方不數十年業以殷餘積穀之多甲於里中永樂初屬歲饑民有告糴於其家君白父曰他人不足而吾家有餘不有以濟之不可隨量多寡予之父悅賴以生活者甚重適藩臬官行部聞君之爲立召其父子與語君復出谷五百斛歸官聽所與其尚義如此君孝友天至母嘗病瘡殆甚卽詣鄉社神祠默禱刲股肉和羹以進疾爲之瘳父疾晝夜迎醫山谷中有虎遇之少得免者君遇之不被害至今爭道其事聞富平有祖隴宗族具在不能展省語次輒以爲恨旣喪父兄弟雍睦無間言遣弟昇

盧氏縣誌

卷之十六

藝文 墓表

三十四

暨子佐往展富先墓昇厯官松江府同知佐今爲山西道監察御史君以佐貴朝廷贈君官如其子鄉閭豔之曰君爲善所致也君之卒爲正統七年十一月十九日其生爲洪武乙丑十一月廿一日壽五十八歲葬於盧氏先塋元配王氏繼張氏王二女張二男一女長男俊次卽佐其最幼目仲側李氏出杜英亢榮曹義皆其壻嗚呼古不云乎天道無親常與善人盛哉任氏之先有不本其德善而可以得乎其後之人有若之爲則亦可以爲善矣用是特爲書此以表之墓以告諸其來者

勅 贈文林郎山西汾州府汾陽縣李公墓表

詹事府左中允  
經筵展書官

錢士升

中州多名山川而抱犢奇峻伊洛之淵洄尤著其清明昌  
大之氣常發爲人文必有醕龐渾樸之高入德士以開其  
始若李氏其表表者矣李爲盧氏望族世以明經顯至萬  
厯間大理卿炳始以癸未進士起家而今比部郎作又復  
以丙辰進士砥節著聲冠冕蟬聯蔚然名閥乃其吹埴篲  
貽堂構以成其弟若子於誦讀則贈翁以也贈翁名耿字  
明之別號少庵昆弟三翁居長仲卽大理翁天性洞朗初

盧氏縣誌

卷之十六

藝文 墓表

三十五

授書卽了大義尋徙業力田而課其所入爲兩弟脩脯費  
交相愛交相勗也聚親族諸文學立菴社有條約心構  
手書切中欵綮一時人士無不奉教事親以色養不獨爲  
甘旨歡偶過舅氏爲少留太翁以遲歸譴擲之杖流血滿  
脛寂若無痛已而人問之曰余時方悔過不遑實不知痛  
也事繼母尤盡敬得其歡心大理旣成進士駸駸貴顯翁  
廉樸自將未嘗以介弟作貴倨容而教子比部兄弟尤力  
日晷宵燈諄切弗懈恒戒曰讀書取科第務在效用國家  
流澤百姓若止以溫飽爲念非吾家清白面目爾其勗諸

暮年脫落崖岸潇洒林泉每乘清風皎月於澤蘭籬菊之間托中聖以自適諸故人與交若飲醕披温毋弗滿志非意相干輒置弗較更推誠待之其人卒愧悔謝族人有放浪者酒間跳擲誤觸翁目左瞳傷焉旁觀錯愕而翁絕不介意卧疴經月無怨色曰此固吾於彼何尤性慈愛常蓄芳餌以療人遇捕魚鳥輒買放去里中重其德推爲祭酒邑令賢之以棹楔旌其門配望孺人多令德孝事舅姑和處妯娌嚴督諸子課不及程必長跪受責故比部兄弟嚴母氏甚於師每至丙夜青燈熒熒杼聲與呬唔相和

盧氏縣誌

卷之十六

藝文 墓表

三十六

初舅得劇疾孺人籲天請以身代不則以懷抱兒代數日兒殤而舅瘳旋舉比部君輿論咸云殤者以代翁生者以報孝婦非虛語矣先是上初改元比部君以晉汾陽令奏最滿考推恩所自詔贈翁如其官氏爲孺人甲子夏擢比部乃手爲狀屬余表其麗牲之石狀中具述贈翁家教當母疾革時以身枕藉十晝夜逢人叩頭求療母慰藉勞苦恐以哀毀廢業其言甚痛今比部君登高第初仕爲賢令恩綸赫赫寵賁元壚所以報父母者政未艾也而又欲識金石以垂不朽嗟乎孝子之用心如此哉夫子能振奮固

足顯榮其親而贈翁孝友之德宜於家惠慈之澤及於里廉潔端方之操推重於鄉評儀型於士類孺人恭儉敏勤又足以贊成之則所謂醕龐渾樸開明昌之始者信不誣也余故掇其大都表之墓道若生沒歲月世系子姓詳載誌狀中

直隸真定府武強縣學博仙瑤梅公墓表

陝西苑馬寺卿前巡按江西監察御史 賈如式 武強人

梅公之葬也楚按察使侯貞軒實銘其墓嘉言懿行稱述備矣公冢子早春復徵予表諸墓左往者予蒙公培植之

盧氏縣誌

卷之十六

藝文 墓表

三十七

力有不解之恩文何忍辭公諱和鐘字宗元號曰仙瑤按狀其先陝西郃陽人於漢有梅福者以言不用隱去於宋有堯臣者與歐陽文忠公相倡和罹金元之亂世系無從可考國初有名榮者來盧樂其土俗遂籍焉生仲仲生清清生玉應選貢除甯鄉縣學博歷任三載生丈夫子五人公其行五也亦克貢終武強縣學博因子早春得遊泮卽請歸田葛巾野服居之泊如也其子歡舞庭綵屢治具召客爲公娛時公昆季俱存且邀同席五老龐眉皓首偉然一堂微醺相向笑曰兄弟三膺貢士甘受半生辛苦父子

九任儒官便宜兩字清高閭里稱梅氏爲德門焉至萬歷三十八年公正終命壽八十有八夫人雷氏亦稱偕老生三子長早春次探春次引春孫二行素文素俱早春出嗚呼公之福履壽考子孫之繁且茂者謂非積善之報耶銘曰梅氏之先始自邵陽來於中土家於盧岡三世隱德後耀以昌九任儒林奕葉愈光坦坦仙瑤植行孔良道惟恭厚訓則義方青毡化育絳帳垂章肺腑長春旣壽且康古人有言作善降祥我稽公世宜有餘慶藍玉後寄公德載陽昭茲來許以續不忘

盧氏縣誌

卷之十六

藝文 墓表

三十八

王孝子墓表

兵部 尚書 李化龍 長垣人

山川靈秀之氣結爲人文必俊茂高華輝映乎一代此非獨見於冠紳衿帶之間也田耕里居之人坐雲壑而嘯烟霞其受氣也醕其取精也專其操行也精勤致一而獨詣其間域有學士大夫咨嗟嘆羨而不可幾及者此殆地靈人傑生有自而出有爲耶蓋余昔遊嵩洛之間見其山川雄麗甲於他方意必有瑰意畸行之人鍾靈孕秀而生者今乃知有盧氏王孝子云孝子名大綱字克柔家世業農

父以嗜酒廢產孝子竭力耕田以供甘旨值歲荒百里負米身乃饜糟糠意恬如也以貧故與兄析箸遞供親膳兄嗜酒如其父不能供孝子爲代供之歲時果食新者園蔬初刈者親未入口不敢嘗食以此終其身如一日父歿哀毀骨立傾產營葬有司嘉其義往襚焉葬之日遠近往觀之見孝子顏色之戚哭泣之哀相顧而悲淚數行下自是里之人少有遺其親者此豈若縉紳先生誦詩書則古昔以揅行自見者耶固非山川之氣靈秀所鍾受氣多而取精專與余每流覽古今在昔先王取士於鄉設科曰孝弟

盧氏縣誌

卷之十六

藝文 墓表

三十九

力田曰孝廉夫孝百行之一而庭幃之庸行也設科取士以爲天下孝足乎乃旣而泛觀古之人子以孝名者宰爲良宰相爲良相將爲良將乃知一孝立百善從孝本原所自出也吾聞孝子仁心義質靡行不脩其大者父怒兄訟之官孝子詣官祈代受杖焉官爲憐之並貸其兄則孔北海爭死之風也兄子未娶出數十金使委禽焉兄投其金酒家弗爲娶孝子更潛爲納幣娶之戒勿令而公知也則范希文義田之惠也縣南熊耳道險峻通襄樊孝子爲施茶四十餘年每隆冬必粥囚囹圄中則鄭子產乘輿之濟

也鄉人有爭訟官長所不能決輒以片言決之訟者各得其願而去則王彥方望閭之化也此之何行不脩何德不備何天下國家不可幾而理蓋孝子有子曰邦才舉於鄉後爲郃陽令當郃陽君入官之初孝子猶在也請就養宦邸輒不往第曰衣食吾所自有不須 橐中裝爾但爲清白吏足矣郃陽君以故則其志勤事字民以能其官由是觀之卽令孝子身自爲之何以異此故曰孝乎唯孝施於有政聖人之言豈誣也哉孝子以賢行有聞以恩例被官服中丞御史臺並學使者大守邑令歲時賜粟帛扁其門

盧氏縣誌

卷之十六

藝文 墓表

四十

曰孝子以旌書至者三十餘以鄉飲賓於官者二十餘春秋七十有八而終至壽考顯榮矣余故表而出之以示天下後世之爲人子爲人父者孝子有室曰秦繼室曰劉並有懿行克儷厥配有子三人孫四人曾孫二人具見志銘茲不具第表其大者

判簿楊孝子墓表

嘉靖六年

洪 鍾

楊公旣葬之明年其子梅持公行狀拜而進曰先君没有年矣墓石未有刻辭每悚懼不自逸敢假大人先生一言

以垂不朽余嘉其孝爲之敘按狀公諱經字理之別號倚廬子河南盧氏人天資樸實孝心純篤父鞏字孟堅兩任南陵長山縣丞教子嚴厲有法嘗促公詣太學肄業公依依不忍去迫父命勉行未三月夢寐常在親幃因泫然涕曰古人不以三公易色養殆爲是與遽告歸省專意奉親承顏娛意無不至父病湯藥不假臧婢必親嘗不解衣帶者數月每夕焚香泣禱願以身代父卒水漿七日不入口深墨戚容見者感傷母劉氏歿哀毀如之竭力營葬墳土皆自負卧苦枕塊旦夕拜跪哭奠六年如一日有白狼馴

盧氏縣誌

卷之十六

藝文 墓表

四十一

墓白雀棲林轟傳遠近咸謂孝感所致邑宰李公銳聞其事異之親詣墓所驗得實具公孝行申憲題奏正德八年邀蒙俞允賜旌表後任浙江崇德主簿有惠政吏民懷之所謂求忠臣者必於孝子之門於公益信家居日好施樂與遇人困乏必調濟之愷悌慈祥孝德之餘波及鄉里焉公生於景泰丙子六月十四日卒於嘉靖壬午八月六日葬於縣西南原享年六十有七嗚呼孝庸行也極其至格上下通神明捷於影響古人白兔馴連理生禎嘉之休光于史冊赫赫照人耳目亦至理所感召無足異者今公敦

實脩於家著勤勞於國普惠澤於鄉昭瑞應於時其所以垂奕禩膺褒寵者當未有艾也余不文故掇其本未以表諸墓云銘曰卓異楊公熊洛之英廬墓獲感佐政有聲臣子兩盡忠孝齊名勒諸翠琰垂範無窮

文林郎知湖北鄖陽府房縣事學光常先生墓表

李名揚

蓋聞天地之間有正氣焉得其大者貫金石動鬼神來有自去有爲矣若夫習俗不能移窮通不能變精神命脈足以維持風化而爲禮義廉恥之大防亦旣沒而人愛重之

廬氏縣誌

卷之十六

藝文 墓表

四十二

者則所謂豪傑之士也學光先生諱熙姓常氏以癸酉孝廉爲房縣令乾隆庚戌卒於官辛亥葬於里門之新壠胞兄扶東公煦爲之誌其生平大端藏之幽室者已悉而猶慮先生之德無以表見於世也俾予爲文揭於阡予自成童受業先生之門下先生又予祖祖姑之子而從祖姑之夫也知之稔何敢辭先生世居南蘇村聞人接踵大翁老先生附學生員指南公孝謹傳家舉丈夫子四長即扶東公附學生三羔四繼光公照歲貢生先生行二生而端方長有道貌瞻視之間偉如也人家塾階平先生國泰爲之

師階平者先生之從祖兄也儀範嚴整非禮不動門人多畏苦之先生獨循循雅飭畢生奉之不肯違自爲諸生登鄉榜教授生徒理解實落指引易知易從皆以所學傳諸人早負文名晚更樸茂卓然成家以此困於春闈者屢矣連年假館京都一朝思親浩然歸里而元配李孺人及子家驗已俱病故遺孀婦王又無出先生知堂上之悲兒無家也懼老人之不堪重戚也曲承言笑兄先弟后怡怡然視兄弟之子猶其子而教以勤儉讀書常身先之六年之中疊遭大故哭泣之哀顏色之戚不以酷暑隆冬或少減

盧氏縣誌

卷之十六

藝文 墓表

四十三

於是先生年已六十七矣爲名孝廉凡三十餘載乾隆丙午選授湖北房縣令房五方雜處地廣事繁先生下車除積弊裁冗役精神奮發案無停牘有益於民者毅然爲之捐奉首倡民不擾而事已集其與百姓相見猶家人也啖之以利則義形於色不可犯隨任至親三四人家丁四五人皆布衣蔬食非宴會賓客不御酒肉先生嘗言官在惠民未有不廉能惠不儉能廉者泣任四年清風兩袖宜房之人扶柩而送者之若喪慈母也抑吾聞咬得菜根則百事可做以先生之人加以遷擢我知其不改此度也以先

生之志終老牖下我知其不減聲色也學歸於正立品必端豈僅文章事業而已哉繼配楊孺人無出取扶東公次子家梓子遇丙爲家驗嗣先生號后村學光其字也

文林郎子正李先生暨配駱孺人墓表

李進祿

先生諱宣政字子正由道光丁酉科副貢中式咸豐己未恩科舉人予自束髮授書即聞先生與惺園李夫子之名越歲丁巳余從惺園夫子遊先生不時過往因得執贄於先生晤對之餘見其舉止端方語言一無所苟而誨人則和平樂易藹然如坐春風中蓋其學問深涵養邃誠中形外圭角胥融一覽德輝不問而知爲有道君子也自其先世以來詩禮傳家一門孝友同居數十口男女大小無間言先生因得無內顧之憂弱冠後赴試入都館戶部丁塉垵宅中攻苦寒窗甚爲楊詒堂王子堅諸前輩所器重屢膺

盧氏縣誌

卷之十六

藝文 墓表

四十四

鶚薦補 國史館謄錄尋以丁外艱歸哀毀逾禮嘔血升餘爾時重慈在堂慰藉百端始稍稍就飲食服旣闋設帳里門名士多從之遊每科歲入庠大半出其門下而詞訟請託則悉峻詞以絕之所著有免俗齋文集及野樵聞見

錄待梓粵匪之陷廬也鄉民多被殺掠先生與任碩卿孝廉協力修文峪寨分守要害衣不解帶者兼旬賊去後題寨上詩有謹守朝廷一塊土保全鄉里幾家人之句生平不喜居積世以清貧自守薄田十餘畝破屋十餘間食用維艱旁觀每代爲太息而先生惟以讀書作人諄諄然爲諸弟勸一堂絃誦名利之心淡如也邑侯秦公修磚城推先生爲邑中人望數延董理先生卒不一見而條陳事宜切中利弊明年安徽道員黃公文亭攜帑銀三千爲修女牆計擇公正紳士督工強先生與焉勞心過度嘔血疾復

廬氏縣誌

卷之十六

藝文 墓表

四十五

作竟不克蕝事而歿余惺園夫子表其門曰品方學正又郭夫子江源及甯公文軒俱爲詩弔之以爲有益於已有益於人存亡關一邑之盛衰不僅係一家之福命云先生生於嘉慶乙亥卒於同治乙丑高壽五十有一德配駱孺人貢生志學公長女孝翁姑和妯娌族黨賢之與先生同年生後公二十五年卒生子二曉亭旭春乙酉科選拔予同榜舉人次咸恆春優廩生庚寅二月曉亭兄弟旣葬孺人於先生之墓側囑予爲作表予以數世姻好義不容辭因述其大略並爲嗣以贊之其詞曰靄靄熊山茫茫洛水

毓秀鍾靈篤生賢士孝友性情端方舉止作爲文章鎔經鑄史善誘循循滿門桃李烽火驚心保全鄉里澤遺子孫後先濟美嗚呼先生余私淑之而烏能以自己

朝議大夫子端李公墓表

張鳴岐

公諱正心姓李氏字子端號小園先世山西人明嘉靖中遷盧高祖瑞生邑庠生曾祖崇儒太學生祖又伸攻苦於學遇奇未售父惺園乙巳進士選庶吉士授職編修以叙功進加翰林院侍講銜爲人清高自遠以李太恭人年老棄仕家居三十年足跡未嘗履城市粹然有古君子風妣

盧氏縣誌

卷之十六

藝文 墓表

四十六

氏武 勅封安人 誥贈恭人子三季正衢側室王氏出武太恭人生子二次廩生正庸公其長也少穎悟年十八以冠軍入邑庠旋食廩餼二十二由選拔朝考壹等籤分陝西試用知縣歷署高陵麟遊蒲城耀州寶雞等處終補榆林府懷遠縣知縣特授同知直隸州知州以循良蜚譽名滿關中初公以弱冠登仕版也撫憲曾公輕其少及試以察城丈壕事精慎過宿吏乃大驚委署高陵踰三月治效著焉二年丁內艱起復轉署大縣歷十餘年才識愈鍊聞望愈隆後因蒲邑繁難巡撫劉公深憂之同列交薦公

及來謁樸訥如書生懼不勝職嗣遣人廉訪官民一體水乳交融乃始恨知公之晚也公在署戚故每來謁必肅揖就產 道寒暄少間即辭出理事率三更乃退素不喜酒 因舖時連飲十數觥有喜色詢之曰有死囚三人其情可原吾爲伸請皆得免不覺爲之一暢云同治五年捻匪聲動公督民各修堡寨時回逆已定民不欲公開陳利害隨處皆立堡甫成賊至民竟賴以全然後感頌公德焉宰蒲六年以眼疾告假得請邑中耆紳累稟請留赴轅數十人撫憲不得已親出撫慰乃始退四川宮保丁公聞公

盧氏縣誌

卷之十六

藝文 墓表

四十七

名請越省借調補用本省上憲靳不與公之名愈益著嘗因勸墾隨坦齋原太尊過蒲市遇羣小兒攀轅顧望見原曰非也及見公額手譁抃連呼是我公若不勝其驚喜者俄至館原顧謂公曰吾平日聞子得民名幾不信今乃親目見之何令無知孺子聲情並切若久別之見父母非實心善政淪肌浹髓豈易得此哉不覺言之起立光緒元年知耀州其嗣君往省過舊縣逆旅主人陰識之須臾扶杖抱子至者男婦滿戶外叩之曰來看少君因借問李大老安且煦煦然道往日撫摩事有泣下者蓋公誠心愛民一

腔生意若化工之動物有不知所以然者故至性之感如此自公少筮仕僕僕數十年始得一缺光緒六年例應補白水因胥吏需索公曰吾生平不解賄賂事及牌出乃竟得懷遠晏如也八年太老夫子卒哀毀終制軍機大臣閤公及新任陝西方伯李公咸慕公德俾函交至勸公出且素悉公廉特送三百金爲北上資公顧家人曰吾中年遊宦皆爲升斗及親事今既蓼莪廢詩無志功名矣因上書陳情托眼疾不出二公得書嗟歎良久齊聲動色曰李子端真純粹也計公生平善政難盡書理識尤勝當宰麟遊

盧氏縣誌

卷之十六

藝文 墓表

四十八

時俗稱其城爲旱龍無水公曰水爲地脈天下豈有無水之士哉民不信公捐廉穿掘數十丈遇石紳民累請中止公力持益堅鑿石八丈水出竟與石平後回匪圍城以乏水恐呵守陴乃汲水從城上瀉出賊乃驚去至今汲養靡窮焉長安大獄數年不決積卷滿尺公審斷立判使逆子抵法不怨且德之故同列有信及豚魚之贈又使健訟之徒感公威德頂香涕泣送公行嗚呼觀此可以知公之爲政矣公生於道光七年七月初一日未時卒於光緒十七年二月初六日丑時高壽六十有五德配黃氏壬辰舉人

任安徽廬鳳穎道文亭公長女事姑孝待下寬好善喜施  
貧民稱頌不絕口子二長葆真少殤次葆復字梅村乙酉  
科舉人與予朝夕過從交成莫逆茲以公之墓表見囑予  
固不能文然公之德行政治皆素所欽佩不忘者義不容  
辭因卽耳目所聞見爲之叙

太微觀鐘文

李 炳

伏以鯨音震動列排仙侶之班鴻韻鏗鏘招集眞陽之炁  
大器成叩之則必應正教闡感之則必通恭惟太微觀乃  
廬邑古跡道場之所也年深歲久鐘鼓無存金臺白雲觀

廬氏縣誌

卷之十六

藝文 墓表

四十九

道士程守默雲遊至此不忍觀瞻謹發虔誠鑄造法鐘以  
備焚修祝延聖壽仰承恩祐遂克完成是鐘也形全九乳  
體備兩樂一擊而發越林巒再鳴而周流井邑時觸物以  
瀏亮更浮空以貯餘贊天地之化機啟瞽矇之視聽夕陽  
路上喚回迷惑之人曉月窗前警斷沉勞之夢

禱雨文

知縣

張伯鯨

奏爲山成迭罹災荒貧民阡危已極職奉官無狀禱籲無  
靈再瀝血誠以賣明神懇祈移罰職躬稍甦民命事職一  
介豎儒賦質椎魯學問踈庸其於古先聖賢循良治法未

能仰窺萬一則效無繇謬取制科三縮巖邑茲爾待罪盧氏適丁歲稔兵亂之餘十室九空逃亡過半僅存子遺蒼赤守此礪确幅員乃自職抵任以來寒冬積雪不踰二寸三春雨露膏澤全無霜隕季春枯禾殺草二麥旣歸烏有百果亦復無成職謹於三月二十六日 虔率官僚士民齊蔬步禱龍神諷經持呪仰冀好生之德普施霈澤之仁乃么麼未格天心微忱弗蒙監降狂飈愈迅烈日彌烘憫此下民有相視歔泣奄奄待斃已爾况夫疫癘時行死亡枕藉大造無私何獨因此一方民也因思一邑之衆豈盡

盧氏縣誌

卷之十六

藝文文

五十

無良卽有弗率何至 怒千和遭蒙譴責遍及羣庶以至於斯職今叨守一方則一舉一動皆鑒觀於有赫以職圖之賦執拗之性豈無徑行率直拂戾人情致乖和氣者豈無偏視偏聽曲直倒施致乖和氣者豈無溢喜溢怒毗陰毗陽致乖和氣者豈無催科急迫刑罰濫觴致乖和氣者豈無饑寒不恤露鬼冤號致乖和氣者豈無囹圄淹滯拔濟無能致乖和氣者豈無強弱相暴衆寡相凌使有疾痛呻吟遏抑不達致乖和氣者諸如此類反躬切責不可枚舉夫陰陽和而後雨歲事和而後登職藐焉之身百穢交

集禍及生民卽今幡焉洗改悔無及矣如果諸項歛有  
於此伏望明神或削職之祿或減職之算甯蓄及於職躬  
無流殃於百姓早布滂沱之惠速蘓憔悴之民職不勝束  
藁待罪瀝血懇祈之至

禱雨文

今上康熙貳拾玖年歲在庚午四月朔且知縣謝廷爵敢

昭告於

勅封本縣大淙龍神之行位而言曰維神質秉乾元澤  
稱利見盧之人昔蒙昭蘓之德縣令一入境而卽聞之今

盧氏縣誌

卷之十六

藝文文

五十一

以縣令之不職不能上承天意而撫恤其民以致亢暘不  
雨一麥焦枯倘再旬日不獨已成者俱爲槁草未種者竟  
若石田人民必至離散城邑坐爲邱墟縣令死不足惜其  
如嗷嗷之百姓何縣令齋戒沐浴於二十四日已經親

牒文於

城隍顯佑伯尊神迄今七日未蒙昭報急迎

龍神辱臨敝邑望施拯救之功以釋蒼生之厄官民俱戴  
圖報敢忘倘謂劫數適逢必俟

帝旨勢處急迫恐難卽刻挽回但

上帝好生凡有利於民生者維

神不妨專之以施功行可感天心卽有譴責縣令請身先受之雖死亦無悔也爲此敬剖血誠特申關告惟冀鑒立賜施行縣令急迫待命之至謹告

禱雨文

知縣  
謝廷爵

爲虔求雨澤以救民生事盧氏一邑僻處山嶠民雖愚僕地實荒殘家無積蓄生計蕭條望麥菽豆穀以供天百神之祀以給

朝廷賦稅廩祿之需縣令奉

盧氏縣誌

卷之十六

藝文文

五十二

天子命來撫是邑與

尊神之列祀典而鎮此土雖幽明分職而所以奠安此民則一也今豆麥甫華而時將入夏膏雨未施枯焦立見縣令當此而坐卧不甯想

尊神亦不能晏處而膜視也况盧氏昨歲麥秋以亢旱失望熟禾爲洛水漂流

神豈不先知之而待縣令之瀆告乎若在田之麥如舊則吾民立見流離令與

尊神可以局外置之與抑亦立而視其死耶今縣令遠承

撫台之禁約近奉太守之廉明矢冰蘖而謹官箴亦尊神所默鑒者乃雨澤之期如此縣令不敢告無罪卽尊神亦當速爲請命於

上帝以救此一方民也今於四月二十四日齋沐設壇卽於尊神位前親賫牒文虔誠上告惟冀

大顯威靈卽爲轉 縣令仍於署中設壇閣上朝夕懇禱願以三日爲期伏乞 鑒照施行

募修熊耳山道路引

莫士帥

盧邑古號地也僻處萬山深谷之中延袤數百里崎嶇險

盧氏縣誌

卷之十六

藝文引

五十三

阻非旦夕所能踰越據秦晉而跨荆楚往來必經之路也有熊耳一山盤踞縣南尤爲巉峻其懸崖峭壁上插雲漢下俛谿壑峰巒紆轉石磴參差鳥道蠶叢中僅有蹊間可通望之若疋練掛天殘虹飲澗下有湯河一道蜿蜒潏洄於山之麓所以限南北而困涉濟者更覺洶湧之可畏也商賈行人之至於斯亦危矣哉頻年以來附山土著之人雖不時修築然鑿石架木披荆疊橋不過爲目前聊且之謀終非經久之計是以旋修旋圯難免履險之凶過徃行人其不至罹於顛危者亦幸耳况今歲霖雨數月以致山

走石飛崩塌傾壞不堪容足則向之九折坂而叱馭者今  
詎能凌空而飛渡耶然則鑿山通道以便商旅此亦事之  
刻不容緩者耳今幸黃冠任羽士暨李杜諸君覩此羊腸  
之險大發憐閔之心糾集石工別開生路但青牛非糞金  
之寶何能驅策乎力士丹爐無點石之術何能不望助於  
檀那伏願四方仁人長者開顏喜舍隨意布施因心種果  
不妨積少成多以福爲田必使唱予和汝雖功程浩大而  
指日可幾卽慮始維艱而圖終良易行見坦易周道將與  
盛德齊隆畏路行人並頌恩施不朽肅此弁言仰叩十方

修職郎鶴年張公墓誌

張玉麟

光緒甲午正月二十一日修職郎鶴年張公卒越二月念日卜葬於龍山寨南之祖塋先期公堂姪太學生名馨者求誌於予予不能文何足以誌然誼屬同宗且熟悉其梗概謹略而誌之按狀公諱長齡姓張氏鶴年其字也先世本倉西人明萬曆有庠生永仁者始遷盧之黑馬渠村生庠生學文學文生佐佐生庠生其瑗公之太高祖也其瑗生潔地封修職郎生子四長月桂字丹枝號東渠由拔貢任考城西華等處教諭著有來鶯齋傳世次月梅月林月

盧氏縣誌

卷之十六

藝文 墓誌

五十五

川月梅入太學生子先登邑增生月林字瓊山號西渠乾隆丙子舉人月川出繼近屬月桂生子先芳先芳生子四兆祥兆熊兆麟兆祺堂弟先登娶靳儒人無子以四子兆祺嗣焉兆祺字應瑞國學生性情敦樸有古君子風娶段孺人生公公生而醅謹不喜浮華遇人急難傾囊以助絕無吝色人雖感激圖報而公處之如常不以爲德光緒三年歲大稔捐貲助賑賴以全活者甚衆茅河有倉房值凶荒盡以所積散給佃戶並免數年所欠稞租受賜者扁其門曰恩成再造縣北號王廟舞樓人圮公獨出資建修以

爲賽神之地其素行慷慨如此他若 火以興學校出  
資財以培善良種種善行不可枚舉較之田文子敬諸人  
亦不多讓公豈復有遺憾哉元配駱孺人性情淑慎善事  
翁姑先公卒妾氏劉有節操同治元年遇賊不屈被害繼  
室祝孺人有婦德生女三長字儒童李公正志子二三尙  
幼未字時公年六旬餘尙未抱子深以爲憂光緒壬辰九  
月始慶弄璋命名光華迄今已三歲矣狀貌魁偉靈敏異  
常嗚乎此非公積力行善之報與距公生於道光五年十  
月二十日丑時卒於光緒元年正月二十一日亥時享壽

盧氏縣誌

卷之十六

藝文 墓誌

五十六

七十爰爲之銘曰

龍山拱北象水汜東鍾霽毓秀篤生張公憇此張公饒有

觀寬日接物貪日持躬親賢樂善周匱恤窮嗟哉光華

尙其循規蹈矩黷忘乃慈父眷眷之衷

皇清例授修職郎鶴年張公墓表

李恆春

古之所謂完人者其經濟作用不必大著於世也苟於鄉黨之同悉有無通緩急效焚券之高風追指困之雅意慷慨磊落即儒者立人達人真實分量勝不華稱二陸文章重三蘇矣予於吾盧鶴年先生見之焉先生諱長齡姓張氏鶴年其字也世居黑馬渠村繼居北關後以大盜縱橫又移城中公少就學即靈敏異常爲文章爰筆立就應童子試屢列前茅嗣以 尊大人筋力就衰旋輟前業竭力治生以博堂上歡其孺慕之懷出於至性與聞叱犢而飲

盧氏縣誌

卷之十六

藝文 墓表

五十七

泣者事異而情同嗚乎百忍堂中時聚太和之氣兩銘齋內共仰家學之純公豈聞而興起與何後先繼美如此奢靡相高惡習也盧俗爲甚殷實之家又特甚公獨布衣蔬食未嘗稍有富貴象泊乎周窮恤匱則皇皇焉如不及往往有素不相契之人遇有急需登門叩請即傾囊相助絕無吝色其素性揮霍類若是兼之捐貲財以修舞樓免稞租以便佃戶籌膏火以助士子拘支使以恤遠人種種義舉尤難權數以視世之飄長裾曳輕袖矜情飾貌自以爲疎財仗義者汜及至親密友勢處拮据一露稱貸之意輒

面北冰霜凜凜然如不可犯者其賢不肖爲何如耶獨惜年逾六旬尙未抱子邑之人無遠芹親疎咸咨嗟太息以爲鄧伯道復見於今矣而公談笑自若行善愈力未幾竟獲異璋彌月之期賀者盈門予以周親亦附座末抱兒諦視見其頭角崢嶸聲音響亮一望而知爲富相則信乎天道無親常與善人積之深而報之厚彼蒼已默爲鑒之孰謂冥冥中竟無知哉今歸窆有期其姪太學生馨及號中執事人田硯均囑爲作表予不能文而義不容辭因述其大略表之墓道至生歿歲月世系子姓俱詳誌狀中茲不

盧氏縣誌

卷之十六

藝文 墓表

五十八

復具

